



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
FOREIGN TRADE CHAMBER OF BOSNIA AND HERZEGOVINA

KABINET PREDSJEDNIKA I POTPREDSJEDNIKA

Broj: 01-4-01-4-1485/19

Sarajevo, 22.10.2019. godine

BOSNA I HERCEGOVINA

MINISTARSTVO KOMUNIKACIJA I TRANSPORTA

N/r g. Saša Dalipagić, zamjenik ministra

PREDMET: Inicijativa za dopunom Pravilnika o postupku usklađivanja i registracije redova vožnje, načinu i postupku izdavanja dozvole i obrascu dozvole, u dijelu koji se odnosi na Daljinar

Uvaženi g. Dalipagić,

U skladu sa Zaključkom sa 12. sjednice Upravnog Odbora Vanjskotrgovinske/Spoljnotrgovinske komore Bosne i Hercegovine, održane 8.10.2019.godine, u Sarajevu, upućujemo Vam Inicijativu za dopunu Pravilnika o postupku usklađivanja i registracije redova vožnje, načinu i postupku izdavanja dozvole i obrascu dozvole, u dijelu koji se odnosi na Daljinar i to na sljedeći način:

Član 2. tačka a) mijenja se i glasi:

a) "daljinar" je skup relacija kojima se utvrđuje udaljenost u kilometrima sa minimalnim vremenima vožnje između autobuskih stanica, odnosno autobuskih stajališta u Bosni i Hercegovini, koji Ministarstvo objavljuje na svojoj službenoj internetskoj stranici a koji se ažurira minimalno jednom u tekućoj godini.

U članu 6. iza stava (7) dodaje se novi stav (8) koji glasi:

"(8) Ministarstvo formira posebnu Komisiju koja uređuje i ažurira Daljinar najmanje jedanput godišnje".

Inicijativa je proizašla iz potrebe stalne izmjene Daljinara, imajući u vidu izgradnju nove putne infrastrukture, mogućnošću korištenja novih putnih relacija s ciljem pomoći bosanskohercegovačkim prevoznicima u pripremi jednostavnijih i kvalitetnijih prijedloga redova vožnje.

Slijedom navedenog, predlažemo Vam da usvojite ovu inicijativu te nakon toga aktom Ministarstva oformite komisiju sastavljenu od eksperata s ciljem ažuriranja važećeg Daljinara sa relacijama i minimalnim vremenima vožnje u Bosni i Hercegovini.

Spoljnotrgovinska komora BiH izražava spremnost da pruži kadrovsku, tehničku ili drugu pomoć Ministarstvu komunikacija i transporta BiH, u aktivnostima koje će se provoditi na poslovima izmjene i/ili dopune važećeg Daljinara.

Takođe, izražavamo spremnost da Spoljnotrgovinska komora Bosne i Hercegovine, preuzme sve poslove vezane za izradu, izmjene i/ili dopune Daljinara, ukoliko to propišete posebnim aktom.

Očekujući Vaš pozitivan odgovor i prihvatanje Inicijative unaprijed se zahvaljujemo.

S poštovanjem,

PREDSJEDNIK

Nemanja Vasić

